



N°7431
Entrée le 02.01.2023
Déclarée recevable
Président de la Chambre des Députés
(s.) Fernand Etgen
Luxembourg, le 02.01.2023

Fernand ETGEN
President vun der
Chamber vun den Deputéierten
19, um Krautmaart
L-1728 Lëtzebuerg

Lëtzebuerg, den 02/01/2023

Här President,

Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un d'Ministesche fir Ëmwelt, Klima an nohaltëg Entwécklung weiderzeleeden.

Zënter Joren héiert een ëmmer erëm, dass et eng lwwerpopulatioun u Wëllschwäi géif ginn. Verschidden Acteure maachen d'Politik dofir verantwortlech, well d'Reegelen, wéi eng Juegd dierf ofgehale ginn, ze strikt wieren. Wann een d'Ofschlosszuelen aus de leschte Joren awer kuckt, gesäit een, dass Joer fir Joer méi Wëllschwäin erschoss ginn. Deemno kann een net pauschal soen, dass d'Reegelen, déi och fir ee gewëssene Schutz vun der Natur a vum Déier solle suergen, der Juegd géifen am Wee stoen. D'Wëllschwäipopulatiounen huet och vun enger intensiver Landwirtschaft an engem douce Klima wéinst der Äerderwärmung profitéiert.

Och d'Andréng vum Mënsch an de Liewensraum vun den Déieren huet dofir gesuergt, dass Populatiounen ënner méi lwwerliewensstress geroden, wat och een Impakt op de Reproduktionsrythmus vun de Wëllschwäin huet. Do muss een sech och d'Fro stellen, ob d'Juegd an hirer aktueller Form nach ugepasst ass, fir d'Wëllschwäipopulatiounen an de Grëff ze kréien. Klappjuegten oder, wéi se elo genannt ginn, Bewegungsjuegten, brénge mat sech, dass de Mënsch op den Territoire vun den Déieren andréngt an d'Déieren am Bësch an eng temporär Panik versetzt.

An deem Zesammenhang wéilt ech der Ministesche dës Froe stellen:

1. An de järeliche Berichter vum Ëmweltministère fënnt een ëmmer nëmme d'Ofschlosszuelen, mee net d'Bestandszuele vun de Wëllschwäipopulatiounen erëm.
 - Firwat ginn op deene Plazen, op deenen "ze vill" Wëllschwäi sinn, keng Zielunge virgeholl?
 - Ab wéi vill Unitéite sinn op enger Plaz "ze vill" Wëllschwäin?
 - Fir wat gëtt kee Plang opgestallt, dee quantifizéiert duerleet, wéi vill Wëllschwäin op enger Plaz liewen a wéi vill Wëllschwäin de Ministère op dëser Plaz wéilt hunn (Ist-Soll-Analyse)?
2. Am RTL-Interview vum 28ten Dezember schwätzt de Conseiller vum Ëmweltministère dovunner, dass de Bien-être animal primordial ass an een do wéilt Verbesserung maachen, zum Beispill fir d'Zuel vun de blesséierten Déieren ze reduzéieren.
 - Ginn et Zuelen doriwier, wéi vill Déiere falsch ugeschoss gi sinn? Falls jo, kann d'Ministesche mir d'Zuele vun de vergaangenen 3 Joer virleeën?
 - Falls nee, wéi wëll d'Ministesche dofir suergen, fir dass manner Déiere falsch ugeschoss



www.piraten.lu

ginn, wann een net bemoosse kann, wéi vill der falsch ugeschoss ginn?

3. Fir wat mengt d'Ministesch, dass d'Notze vun Nuetsiichtgeräter fir eng Verbesserung wäert suergen?
4. Ass d'Ministesch der Meenung, dass méi Klappjuegten a Beweejungsjuerger mussen ofgehale ginn, fir d'Wëllschwäinpopulatiounen ze reduzéieren?

Mat déiwem Respekt,



GOERGEN Marc
Deputéierten





LE GOUVERNEMENT
DU GRAND-DUCHÉ DE LUXEMBOURG
Ministère de l'Environnement, du Climat
et du Développement durable

Äntwert vun der Ministesch fir Ëmwelt, Klima an nohalteg Entwécklung op d'parlamentaresch Fro n°7431 vum 2. Januar 2023 vum éierewäerten Deputéierten Här Marc Goergen iwwert "Chasse aux sangliers"

1. An de järeleche Berichter vum Ëmweltministère fënnt een ëmmer nëmmen d'Ofschlosszuelen, mee net d'Bestandszuele vun de Wëllschwäinpopulatiounen erëm.

- **Firwat ginn op deene Plazen, op deenen "ze vill" Wëllschwäi sinn, keng Zielunge virgeholl?**

Zielunge vu Wëlldéieren ass zum enger oft net machbar, zum anere géifen d'Resultater an dësem Fall wéineg aussoen. D'Wëllschwäin hale sech net permanent op enger Plaz op, mee wandere vill, sou dass och d'Kenntnis iwwert déi genee Unzuel vu Wëllschwäin op enger bestëmmter Plaz zu enger bestëmmter Zäit am Beräich vum Management vun dëser Aart net vu Virdeel wier.

- **Ab wéi vill Unitéite sinn op enger Plaz "ze vill" Wëllschwäin?**

Ze vill Wëllschwäi sinn op enger Plaz an deem Moment wou hiren Impakt negativ ass, sprécht wou si Schied u Buedem a Planzen, u landwirtschaftlechen a forstwirtschaftleche Kulturen, oder souguer a Privatgäert maachen. Eng kleng Populatioun op enger sensibeler Plaz ka ganz vill Schued uriichten, eng gréisser Populatioun op enger anerer Plaz manner, an de Schued hänkt och vill dovunner of, wéi laang e Familljeverband (Rott) sech op enger Plaz ophält.

- **Fir wat gëtt kee Plang opgestallt, dee quantifizéiert duerleet, wéi vill Wëllschwäin op enger Plaz liewen a wéi vill Wëllschwäin de Ministère op dëser Plaz wéilt hunn (Ist-Soll-Analyse)?**

Aus den uewe genannte Grënn ass et net sënnvoll dëst ze maachen. Vue dass awer gewosst ass, dass d'Populatioun vun de Wëllschwäi kontinuéierlech wisst (cf. [Bulletin technique](#) de l'Administration de la nature et des Forêts en matière de gestion de la faune sauvage et de chasse) an d'Problematik déi domat hiergeet sech verschäerft, sollt een ustriewen d'Populatioun landeswäit ze reduzéieren.

Am RTL-Interview vum 28ten Dezember schwätzt de Conseiller vum Ëmweltministère dovunner, dass de Bien-être animal primordial ass an een do wéilt Verbesserung maachen, zum Beispill fir d'Zuel vun de blesséierten Déieren ze reduzéieren.

- **Ginn et Zuelen doriwwer, wéi vill Déiere falsch ugeschoss gi sinn? Falls jo, kann d'Ministesch mir d'Zuele vun de vergaangenen 3 Joer virleeën?**

Et leie keng Zuelen iwwert d'Unzuel vun ugeschossenen Déiere vir, also vun Déieren déi duerch ee Schoss just blesséiert gi sinn.

- **Falls nee, wéi wëll d'Ministesch dofir suergen, fir dass manner Déiere falsch ugeschoss ginn, wann een net bemoosse kann, wéi vill der falsch ugeschoss ginn?**

All Déier wat muss leiden, well et net direkt déidlech getraff gouf, ass eent zevill. All Jeeër ass bestrief, dass et guer net zu esou Fäll kënnt. Eng nach besser Aus- a Fortbildung, d'Erlabe vun der noutwenneger Technik an eng verstärkte Sensibilisatioun sollen hëllef, d'Unzuel vun esou Situatiounen nach weider ze verréngere.



3. Fir wat mengt d'Ministesch, dass d'Notze vun Nuetsiichtgeräter fir eng Verbesserung wäert suergen?

Zum engen ass et duerch den Asaz vun Nuechtziltechnik méiglech, ee bessere Schoss an der Dämmerung ofzeginn, am Sënn vun der Präzisioun. Dëst kann zu manner blesséierten Déiere féieren, wat jo am Sënn vum Déiereschutz ass.

Zum aneren ass et méiglech, dass de Jeeër iwwehaapt bei manner gudde Liichtverhältnisser op d'Juegd ka goen, a sou den Ofschossplang besser kann erfëllen.

4. Ass d'Ministesch der Meenung, dass méi Klappjuegten a Bewegungsjuegte mussen ofgehale ginn, fir d'Wëllschwäinpopulatiounen ze reduzéieren?

Den aktuelle Wëssensstand ass deen, dass zu Lëtzebuerg d'Bewegungsjuegd dat effektivste Mëttel ass fir Wëllschwäin ze bejoen.

Aktuell gëtt am Kader vun engem Aarbechtsgrupp ee Gestionsplang fir d'Wëllschwäin ausgeschafft, dee verschidde Méiglechkeeten ënnert d'Lupp hëllt.

Lëtzebuerg, de 6. Februar 2023
(s.) Joëlle Welfring
Ministesch fir Ëmwelt, Klima an nohalteg Entwécklung